

時ヨリ直ニ三日ヲ用キ、觴ヲ流水上ニ流シ不祥ヲ祓除シ、仍ホ上巳ト稱セリ。我朝廷ニ於テモ、上世ヨリ之ニ倣ヒ、水邊ニ宴ヲ設ケ、此ヲ曲水宴ト云フ。後世ニ至リ、其儀ハ自ラ止ミタレド、仍ホ禊祀ヲ行ヒ、是ヲ上巳祓ト稱ス。此祓ノ事ハ、神祇部祓禊篇ニ載セタリ。

下學集

時節

上巳

初作三月三日之遊時、日適

上巳也。

〔月令廣義〕三月初三日、上巳癸辛雜志、上巳當作三十干之巳、古人用日例、如上辛、上巳曰、陽氣生于午、終于巳者、巳也、俗以有鈎挑者爲終、巳字、無鈎挑者爲辰、巳字、未知字義也、元巳之正字、千文、辰巳之巳、其口合人己之己、鈎從口下、已止之已、少出鈎首、其義明矣、元巳之己也、重三月令通攷、今言五月五日曰重五、九月有重九日、則三月三日亦宜曰三日爲上巳。○註上巳節唐德宗以上巳爲令節、翰林志、貞元四年勅晦日上巳重九節賜錢。○中略

〔續齊諧記〕上巳曲水。晉武帝問尚書郎摯虞仲治。三月三日曲水、其義何旨。答曰、漢章帝時、平原徐肇以三月初生三女、至三日俱亡、一村以爲怪、乃相與至水濱盥洗、因流以瀆觴、曲水之義、蓋自此矣。帝曰、若如所談、便非嘉事也。尚書郎束晳進曰、仲治小生不足以知此、臣請說其始。昔周公成洛邑、因流水泛酒、故逸詩云、羽觴隨波流。又秦昭王三月上巳置酒河曲、有金人自河而出、奉水心劍曰、令君制有西夏及秦霸諸侯、乃因此處立爲曲水。二漢相緣、皆爲盛集。帝曰善、賜金五十斤、左遷仲治爲城陽令。

〔荆楚歲時記〕三月三日、士民並出江渚池沼間、爲流杯曲水之飲。○中略。按韓詩云、唯漆與洧方洹洹兮、唯士與女方秉簡兮。注謂今三月桃花水下、以招魂續魄祓除歲穢。周禮女巫歲時祓除釁浴。鄭注云、今三月上巳水上之類。司馬彪禮儀志、三月三日、宮民并禊飲於東流水上、彌驗此日。南岳記云、其山西曲水壇、水從石上行、士女臨河壇、三月三日所造遙處、周處吳徵注吳地記、則又引郭虞三女並以元巳日死、故臨水以消災所未詳也。張景陽洛禊賦、則洛水之遊、傳長虞神全文、乃園池之宴。孔子云、暮春浴乎沂、則水濱禊祓由來遠矣。